

MUSICONAN CONTENTO CU E WORKSHOP DI LUIS "PERICO" ORTIZ Y MARIANO MORALES....

** Sumamente contento y satisfecho e musiconan a keda despues a haya tipsnan valios durante e workshop di e dos maestronan musico Luis "Perico" Ortiz y Jose Mariano Morales, kendenan a a demostra e funcion di nan instrumento den musica Afro-Antiyano y musica latino.

Luis "Perico" Ortiz famoso trompetista Puertorriqueño a splica detayamente y tambe a demostra e desaroyo di trompet den musica Afro-

Antiyano te cu awor. E famoso musico di Fania All Star y areglista di e hit inmortal "Pedro Navaja" di Ruben Blades, a duna un demostracion unico uzando temanan latino tipico.

Jose Mariano Morales popularisimo pianista y violinista Puertorriqueño doctor den areglo y composicion di su parti a demostra e funcion di e violin den musica latino. Tambe el a enfatisa aspectonan tecnico y mecanico di e violin.



** Riba foto por aprecia Delbert Bernabela, Johnny Croes, Mariano Morales, Carlos Bisli, Luis "Perico" Ortiz y Robert Jeand'or...

BON TRABAJO DI PRO VIDEO.....

** DEN AMBIENTE ta gradici inmensamente e crew di Pro Video encabeza pa e maestro Jado Maduro, kendenan a realiza un tremendo trabao di filmacion di e exitoso "Den Ambiente Awards", cual a ser pasa na C.S.S. canal 24 diaranson ultimo.

E reaccion tabata suma-

mente positivo pa e calidad di filmacion. Tambe DEN AMBIENTE mester duna palabranan di elogio y credito pa e forma profesional cu maestro Jado Maduro a sa di edita henter e produccion di "Den Ambiente Awards".

Ta mas cu claro cu henter Aruba mester ta sumamente

orgullosa di e crew tan profesional di Pro Video, kendenan ta demostra cu na Aruba tin profesional riba e tereno aki.

Un biaha mas masha danki pa e tremendo producto, cual tabata algo di sumo importancia pa DEN AMBIENTE...




** E crew di Pro Video...Robert Ras, Jado Maduro, Ingmar Maduro y George Jacobs...

ANTESALA DI CARNAVAL RIBA C.N.N.

ORANJESTAD(AAN)Durante fin di e siman aki, den e programa CNN World Report, CNN ta presenta un reportahe riba temporada di carnaval di Aruba. E reportahe a ser traha pa Tele Aruba y presenta pa Tito Laclé. Durante e reportahe aki lo ilustra por chemplo costume festival, eleccion di prins y pancho, y reina di carnaval. Ta worde enfoca tambe nos musica di carnaval y en particular Claudius Phillips cu su trayectoria impresionante di carnaval y tambe su cancion "Saca e Boem". Finalmente e gran parada y kimamento di momo. Manera custumber henter e reportahe aki lo tin duracion di dos minuut y mey.

MAYAN VICENTE KELLY LO CELEBRA SU 30 AÑA DEN FARANDULA



** Vicente Kelly dorna rond di su premionan obtene durante su 30 aña den farandula...

** Mayan diadomingo dia 21 di Januari e popular "Cantor di Pueblo", Vicente Kelly, lo celebra su cumpleaños y alavez su 30 aña den farandula.

Pa e ocasion aki lo bay tin un tremendo celebracion den Casibari Pink Patio, na unda Los Pimentosos lo ta mano a mano cu Orquesta E.Q.O.

Na entrada lo bay tin un

brindis pa un y tur y tambe un cassette gratis pa e prome 50 personanan cu dreña. E musica lo cuminsa resona for di 6'or di atardi den un forma non stop sin stop, na unda Vicente Kelly lo presenta tur su hitnan exitoso durante su 30 aña den farandula.

Tambe el a prepara un bari di soppie BE, pa asina tur hende saka nan wayaba...